



Broj: 07-03-45-33469/25
Sarajevo, 09.04.2026 . godine

Na osnovu člana 2. stav (1) tačka 1.6. i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 247. i 249. stav (1) Zakona o privrednim društvima FBiH ("Službene novine Federacije BiH", br. 81/15, 75/21), Zaključka Vlade Kantona Sarajevo broj: 02-04-7240-15/23 od 22.03.2023. godine i Odluke o utvrđivanju Liste privrednih društava kojima upravlja ili u čijem upravljanju učestvuje Kanton Sarajevo ("Službene novine Kantona Sarajevo", br. 15/01, 06/02, 09/04, 23/07, 16/14, 26/14, 40/14, 46/14, 22/16, 31/19 i 30/21), a u postupku imenovanja na pozicije u organe u kojima kantonalni organi vlasti imaju pravni interes i u kojima prema važećim propisima imaju zakonito pravo da vrše nominacije, ministar privrede Kantona Sarajevo objavljuje

JAVNI OGLAS
ZA IZBOR KANDIDATA ZA NOMINACIJU ZA ČLANOVE U NADZORNIM ODBORIMA
DIONIČKIH DRUŠTAVA IZ RESORA MINISTARSTVA PRIVREDE KANTONA SARAJEVO U
KOJIMA SE KAO ČLAN DRUŠTVA POJAVLJUJE KANTON SARAJEVO

1. Predmet javnog oglasa

Raspisuje se javni oglas za izbor kandidata za nominaciju za članove u nadzornim odborima dioničkih društava iz resora Ministarstva privrede Kantona Sarajevo, u kojima se kao jedan od članova društva pojavljuje Kanton Sarajevo i koji će zastupati interese Kantona Sarajevo.

Ovim putem biraju se kandidati koji ispunjavaju uslove da budu nominovani kao prijedlog Kantona Sarajevo u navedenim društvima u skladu sa članom 249. stav (1) i (2) Zakona o privrednim društvima FBiH ("Službene novine Federacije BiH", br. 81/15, 75/21), dok konačno imenovanje vrše skupštine tih društava na osnovu člana 250. istog zakona.

2. Opis pozicije

Nadzorni odbor dioničkog društva nadležan je da:

- nadzire poslovanje dioničkog društva, usvaja poslovne strategije društva i planove poslovanja;
- nadzire rad uprave, te odobrava odluke strateškog karaktera;
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju dioničkog društva koji obavezno uključuje finansijski izvještaj i izvještaje revizora, nadzornog odbora i odbora za reviziju;
- bira predsjednika nadzornog odbora;
- bira upravu i sekretara društva;
- predlaže raspodjelu i način upotrebe dobiti i način pokrića gubitka;



- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva po bilansu stanja na kraju prethodne godine;
- predlaže skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine dioničkog društva po bilansu stanja na kraju prethodne godine;
- imenuje predsjednike i članove pododbora zavisno o procijenjenim potrebama;
- obrazuje povremene komisije i utvrđuje njihov sastav i zadatke;
- saziva skupštinu društva;
- odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica koja ne može biti manja od prosječne tržišne vrijednosti postojećih dionica iste klase u 30 uzastopnih dana prije dana donošenja odluke.

3. Sadržaj prijave

Kandidati su dužni, u zatvorenoj koverti, uz potpisanu prijavu koja mora obavezno da sadrži adresu i kontakt telefon kandidata, dostaviti kraću biografiju i dokumente koji su dokaz o ispunjavanju općih i posebnih uslova traženih javnim oglasom.

Sva dokumentacija dostavlja se u originalu ili ovjerenoj kopiji i ne smije biti starija od 6 mjeseci od dana objave oglasa.

Javni oglas će biti objavljen u “Službenim novinama Federacije BiH” i na web stranici Ministarstva privrede Kantona Sarajevo <http://mp.ks.gov.ba>, dok će obavještenje o objavi Javnog oglasa biti oglaseno u jednim dnevnim novinama koje se izdaju u Kantonu Sarajevo.

4. Uslovi za imenovanje i spisak potrebnih dokumenata

4.1. Opći uslovi kandidata:

- da je državljanin Bosne i Hercegovine (**dokaz: uvjerenje o državljanstvu, ne starije od 6 mjeseci – original ili ovjerena kopija**),
- da je stariji od 18 godina i da nije stariji od 65 godina na dan imenovanja (**dokaz: izvod iz matične knjige rođenih – original ili ovjerena kopija**),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine do dana objavljivanja upražnjene pozicije (**dokaz: izjava potpisana i ovjerena od strane nadležnog organa – općina ili notar**),
- da se na kandidata ne odnosi član IX 1. Ustava Bosne i Hercegovine (**dokaz: izjava potpisana i ovjerena od strane nadležnog organa – općina ili notar**),
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH”, broj: 70/08) i Zakona o sprječavanju sukoba interesa u institucijama na nivou Bosne i Hercegovine („Službeni glasnik BiH”, broj: 18/24) (**dokaz: izjava potpisana i ovjerena od strane nadležnog organa – općina ili notar**).

4.2. Posebni uslovi:

- da ima akademsku kvalifikaciju visoke stručne spreme - VII stepen odnosno visoko obrazovanje prvog ili drugog ili trećeg ciklusa Bolonjskog sistema studiranja (**dokaz: ovjerena kopija diplome**),
- da ima najmanje pet godina radnog staža sa visokom stručnom spremom (**dokaz: potvrda poslodavca ili potvrda Zavoda PIO/MIO – original ili ovjerena kopija**),
- da nije osuđivan za krivično djelo (**dokaz: izjava potpisana i ovjerena od strane nadležnog organa – općina ili notar**),



- da nije osuđivan za privredni prijestup nespojiv sa obavljanjem dužnošću u nadzornom odboru (**dokaz: izjava potpisana i ovjerena od strane nadležnog organa – općina ili notar**),
- da se protiv njega ne vodi krivični postupak (**dokaz: izjava potpisana i ovjerena od strane nadležnog organa – općina ili notar**),
- da u momentu imenovanja nema privatni/finansijski interes u društvu u koje se imenuje (**dokaz: izjava potpisana i ovjerena od strane nadležnog organa – općina ili notar**),
- da u momentu imenovanja nije direktor ili član uprave društva u koji se imenuje (**dokaz: izjava potpisana i ovjerena od strane nadležnog organa – općina ili notar**),
- da u momentu imenovanja nije član nadzornog odbora u drugom društvu ili instituciji (**dokaz: izjava potpisana i ovjerena od strane nadležnog organa – općina ili notar**),
- da u momentu imenovanja nije na funkciji u političkoj stranci (**dokaz: izjava potpisana i ovjerena od strane nadležnog organa – općina ili notar**),
- da posjeduje stručna i profesionalna znanja iz oblasti djelatnosti društva (**intervju**),
- da ima sposobnost za savjesno, odlučno i odgovorno obavljanje upražnjene pozicije i sposobnost nepristrasnog donošenja odluka (**intervju**),
- da ima izraženu individualnost, inicijativnost, nezavisnost u radu i donošenju odluka (**intervju**),
- da ima komunikacijske i organizacijske sposobnosti (**intervju**),
- da posjeduje sposobnost razumijevanja poslovnih izvještaja i ukupnog zakonodavstva na području djelovanja nadzornih odbora (**intervju**),
- da je naklonjen timskom radu (**intervju**),
- da ima uspješno završeno usavršavanje u skladu sa Uredbom o usavršavanju predsjednika i članova nadzornih odbora i uprava u privrednim društvima sa većinskim učešćem državnog kapitala (**dokaz: certifikat**),
- da je saglasan da se njegovi lični podaci iz prijave obrade i po potrebi provjere sa evidencijom nadležnih organa i institucija (**dokaz: izjava potpisana i ovjerena od strane nadležnog organa – općina ili notar**),
- da je saglasan da Ministarstvo privrede Kantona Sarajevo mogu obrađivati dokumente kojima se dokazuje lični identitet u skladu sa važećim propisom kojim se reguliše zaštita ličnih podataka (**dokaz: izjava potpisana i ovjerena od strane nadležnog organa – općina ili notar**).

5. Ostale napomene

Svi kandidati koji budu stavljeni na listu sa užim izborom, bit će pozvani na intervju pred Komisijom za izbor. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njihovog imenovanja. Obrasci će se ispuniti neposredno prilikom intervjuja.

Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, broj 12/25).

Nakon intervjuja, Komisija za izbor će sačiniti rang - listu sa najboljim kandidatima odgovornom javnom službeniku na daljnje razmatranje. Kandidati koje nakon intervjuja preporuči Komisija za izbor, smatrat će se da su najuspješnije prošli otvorenu konkurenciju i mogu biti predloženi za nominaciju za članove u nadzornim odborima dioničkih društava iz resora Ministarstva privrede Kantona Sarajevo, u kojima se kao jedan od članova društva pojavljuje Kanton Sarajevo i koji će zastupati interese Kantona Sarajevo (državni kapital).

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje. Prigovor



se podnosi ministru Ministarstva privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

Prijava kandidata koji nema uspješno završeno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala neće se smatrati nepotpunom, ali će kandidat ukoliko bude imenovan za člana nadzornog odbora u skladu sa članom 250. Zakona o privrednim društvima, biti dužan pisanom izjavom se obavezati da će proći odgovarajuće stručno usavršavanje u skladu sa navedenom Uredbom.

Javni oglas ostaje otvoren 15 dana od dana posljednjeg javnog objavljivanja.

Prijave sa traženom dokumentacijom treba dostaviti lično ili poštom preporučeno sa obaveznom naznakom:

Prijava na „JAVNI OGLAS broj: 07-03-45-33469/25“ - NE OTVARATI

na adresu:

**Ministarstvo privrede Kantona Sarajevo
ul. Reisa Džemaludina Čauševića 1
71 000 Sarajevo**

Nepotpune, neuredne i neblagovremene prijave se neće uzimati u razmatranje.

